

A N U N C I O do acordo relativo á rectificación das bases específicas da convocatoria de prazas de policía local

A Xunta de Goberno Local, en sesión do 4 de maio de 2015, adoptou acordo relativo á modificación das Bases Reitoras Específicas da convocatoria correspondente a vinte e tres prazas de Policía Local (dezaoito pola quenda libre e cinco por mobilidade horizontal), publicadas no BOP nº 240 de 18 de decembro de 2013 e no DOG nº 245, de 24 de decembro de 2013, incluídas na Oferta de Emprego Público correspondente aos anos 2010-2011:

Primeiro.- Proceder á execución da Sentenza do Xulgado do Contencioso-Administrativo nº 2 de Vigo nº 298, do 22/12/2014, e en cumprimento da mesma modificar o apartado b) da Base IV.1 -Condicións dos e das aspirantes-, das bases específicas reitoras da convocatoria para a cobertura de 23 prazas de policía, 18 delas pola quenda libre e 5 por concurso pola quenda de mobilidade horizontal para o acceso dende outros corpos da policía local da CCAA de Galicia, que pasa a contar coa seguinte redacción: “-Superar os 18 anos de idade e, para o caso dos/das aspirantes que se presenten pola quenda de mobilidade horizontal, non faltar mas de 12 anos para pasar á situación de segunda actividade con destino por razón da idade.”

Segundo.- Acordar ter por validamente presentadas todas aquelas solicitudes de participación nos procesos selectivos para a provisión de prazas de policía local que fosen indebidamente excluídas por razón do límite de idade, sempre que conste o pagamento das correspondentes taxas.

Terceiro.- Acordar, en execución da sentenza indicada e co alcance contido no fallo da mesma, a apertura de novo prazo de presentación de solicitudes de participación nos procesos selectivos convocados para a provisión de 23 prazas de policía (18 pola quenda libre e 5 por concurso pola quenda de mobilidade horizontal para o acceso dende outros corpos da policía local da CCAA de Galicia) incluídas na OEP do Concello de Vigo correspondentes aos anos 2010 e 2011, concretándose dito prazo en 20 días naturais contados dende o seguinte ao da publicación do anuncio no Boletín Oficial do Estado (BOE), tal e como establecen as bases xerais para a presentación de instancias.”

Contra o presente acordo poderase interpoñer recurso potestativo de reposición no prazo de 1 mes a contar dende o día seguinte ao da súa notificación ou publicación, ou ben recurso contencioso-administrativo perante o Xulgado do Contencioso-Administrativo de Vigo, no prazo de 2 meses dende o día seguinte ao da notificación ou publicación do acto administrativo firme, nos supostos, termos e condicións do previsto nos artigos 8, 25 e 46 da Lei 29/1998, do 13 de xullo, Reguladora da Xurisdición Contencioso-Administrativa.

Vigo, 14 de maio de 2015
O CONCELEIRO-DELEGADO
DE XESTIÓN MUNICIPAL,

Carlos López Font

